

Francisci Montmorencii E Societate Iesv Cantica Et Idyllia Sacra

**Montmorency, François de
Antverpiae, 1638**

Præfatio.

[urn:nbn:de:hbz:466:1-69423](#)

P R A E F A T I O.

Non abs re fuerit, si pauca, quæ super artificio Poëtico Dauidicorum Hymnorum obseruaui, tibi, Beneuole Lector, breuiter aperuero; quibus aliqua lux & commendatio sacris hisce carminibus accedat. Nec enim in vltimâ Psalmorum laude repsonendum puto artificium quo constant singularē, omnibusque Poëticis numeris absolutum. Deus siquidem Optimus Maximus haud minori Prouidentiâ cauit, quâm in ceteris sui cultus ritibus, in ornamentis templi, victimisque sine maculâ immolandis, ne quid etiam in carminibus illi consecratis, inconcinnum, incohærens, aut mendosum offerretur: sed, quemadmodum Rex olim Macedo

*Edicto vetuit, ne quis se præter Apellem
Pingere, aut alius Lyfippo duceret æra
Fortis Alexandri vultum simulantia:
ita quoque notus in Indæa Deus non alio libentiis quâm Dauidis ore passus est Hymnos honori suo dedicari. Egregius iste Psaltus Israël, totus Deo consecratus, quasi adeps separatus à carne (ut verbis Ecclesiastici utar)
de omni corde suo laudauit Dominum, & stans fecit*

fecit cantores contra altare, & in sono eorum dulces fecit modos. Et dedit in celebrationibus decus, & ornauit tempora usque ad consummationem vita, ut laudarent nomen sanctum Domini, & amplificarent manè Dei sanctitatem. Quām paucis multa hīc complexus est Spiritus sanctus? Satis etiam dixero, si hunc ipsum Spiritum sanctum, qui omnia in pondere facit, & numero, & mensurā, Daudi auctorem Hymnorum horum fuisse affirmauero: nam superuacuum existimo eorum laborem, qui ad metri vulgaris rationem curiosius hos exigunt; cùm Cardinalis Bellarminus & Agellius ingenuè fateantur, Hebrææ Poëeos mensuram ignorari. Vnde non improbabilis mihi frequenter incidit suspicio, Dithyrambicis potius quām alijs numeris hæc carmina à Dauidे fuisse decantata. Quibus enim numeris viuidus ille Dei Spiritus illigari (si fas est ita loqui) decentius potuit, quām ijs qui lege metri ordinariâ soluti sint, qui liberrimè in varios Amoris, Spei, Timoris, Admiracionis affectus, modò remissis, modò incitatis pedibus excurrant, entheoque impetu deuoluantur? Hanc versuum liberorum rationem in Hymnis usurpandam sibi duxit oris profundus Pindarus, Lyricorum Græcorum princeps; alijque complures, Dithyrambico potius quām alio metri genere Hymnos Libero

Q Patri,

*Cap. 6. lib. 2 Patri, aram circumeuntes, hederâ coronatide
Machab.* cantarunt. Quàm porrò solemne fuerit Hebræis, Hymnos diuinos ad aram decantare, disces ex cap. 6. lib. 1. Paralip. neque enim hic pluribus commemorabo, quomodo Canticum choros hinc & inde, ad dextrum & sinistrum altaris latus, Rex David ordinârit, quomodo victimâ, quomodo victimæ sanguis, quomodo Hymnorum præcentor aram circuiret; ne modum Præfationis excedam. Ab Hebræis igitur hunc morem acceperunt Graci in colendis deorum suorum simulachris, vi disertis verbis testantur sacræ Litteræ cap. 1. Machab. Et expanderunt libros Legi, quibus scrutabantur Gentes similitudinem simulachrorum suorum: id est, ritus quibus colerentur. Ad exemplar Sioniorum Hymnorum suos quoque condiderunt Terpander, Aristophanes in Irene, alijque veteres Poëtæ. Orpheus ipse ante recitationem suorum Hymnorum, eadem pænè suffimenter præscribit, myrrhæ, calami, thuris, quæ in templo Ierosolymitano super Altari Thymiamatis adoleri consuerant horâ Incensum matutinâ & vespertinâ, cum Hymni Deo persoluerentur quolibet die, sed maiori cum celebritate in Neomenijs, festis Scenopegiæ, Paschatis diebus; suauissimè tunc personatis Musicorum omnium organorum Choris,

ris, nihil ut exactæ ad amissim Harmoniæ in
Hebræorum Canticis desiderari posset. Hos
Sionis Hymnos meritò Babylonij discere cu-
piebant, quos Dauid peritissimus artifex con-
siderat tanto pathematum ardore, tali senten-
tiarum pondere, tam appositis comparationi-
bus, tam elegantibus Metaphoris, tanto deni-
que lepore & Gratijs; ut præ illis Græcorum
omnis Hymnodia merum sit frigus. Horum
ego quoque delectatus venustate, tres aut qua-
tuor selegi, quos Latinis numeris Dithyram-
bicis ad Hebraicæ melodiarum genium exprime-
re conatus sum: specimen qualemcumque da-
turus nouæ Odes; modos eius temperando
partim Hemistichijs Sapphicis, partim Gly-
conio, partim Adonio metro Choris accom-
modatissimo, & puellis Sionidibus familiari,
quo sæpius Adonim lamentabantur, ut patet
ex Vaticinijs Ezechielis. Crediderim equi-
dem (si coniecturæ sit locus) delicatores illos
Adonios versus ab Hebræis & Syris ad Græ-
corum notitiam deuenisse.

Quominus plures huiusmodi Hymnos pu-
blico darem, obstitit prostrata iam penitus &
conclamata valetudo. Opto, mi Lector, ut
suauius valeas.